



Indgået

25 JUNI 2018

Inatsisartunut ilaasortaq Randi Vestergaard Evaldsen, Demokrati
Inatsisartut Allattoqarfiat
/Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Qeqertat pillugu § 37 naapertorlugu apeqquteqaammut nr. 2018/113-imut akissut.

22-06-2018
Suliap nr. 2018 - xxxx
Dok. nr

Asasara Randi Vestergaard Evaldsen,

Nunaqarfik Qeqertat Avannaata Kommunianiittoq pillugu Inatsisartut Suleriaasianni § 37 naapertorlugu Naalakkersuisunut apeqquteqarput. Apeqqutitit uannut akineqartussanngorlugit innersuunneqarput.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1. Qeqertat nunaqarfittut ammaqpinneqassappat ataasiarluni aningaasartuutit qanoq amerlatigisut atorneqassappat?

Akissut:

Apeqqummut aallarniutigalugu oqaaseqaatitit paasissutissiisutiginnaavara Qeqertat Naatsorsueqqissaartarfik naapertorlugu nunaqarfittut isigineqarmat. Innuttaasunut naatsorsueqqissaarnikkut kisitsisit, inuit nalunaarsorsimaffianni paasissutissat tunngavigalugit suliarineqartartut, malillugit Qeqertani innuttaasut amerlassusaat, Namminersornerulernerup atuutsinneqalerneraniit ulloq manna tikillugu inuit 21-it aamma 46-it akornanni nikerarsimapput.

Taamaaqataanik paasissutissani Avannaata Kommunianit piniarneqartuni, aammalu assersuutigalugu kommuninut qinersinermut inatsimmi takuneqarsinnaavoq Qeqertat nunaqarfittut isigineqartoq. Maannakkorpiaq assersuutigalugu Siorapalummumut aamma Qeqertanut ataatsimoorussamik nunaqarfimmi aqutsisoqarpoq aammalu ilaatigut Qeqertat meeqqanut atuarfeqarpoq, tassani atuartitsineq ingerlanneqarluni.

Oqaaseqaatinut taakkununga nangissutigalugu isumaqarpunga Qeqertat nunaqarfittut pilerseqpinneqarnissaata eqqartornissaa tunngavissaqanngitsoq. Tamanna tunngavigalugu isumaqarpunga apeqqutip akissuteqarfiginissaa tunngavissaqanngitsoq, tassami apeqqummut tunngaviusut maannakkorpiaq atuutinngitsut tunngavigineqarpassimmata.

Naalakkersuisunut tunngatillugu, Qeqertani innaallagiamik imermillu pilersuineramik pilersitsinissamut Nukissiorfiit suliniuteqarput. Siunertamut tassunga aningaasaliissutinik immikkoortitsisoqarnissaa pillugu Naalakkersuisut

siunnersuutaata, 2018-imut aningaasanut inatsisip akuerineqarnerani Inatsisartut akuerimmassuk, nuannaarutigisorujussuara.

Minnerunngitsumik 2016-imi aasaanerani nunaqarfimmi innuttaasunik ataatsimiisitsigama kiisalu tassunga atatillugu nunaqarfimmi aqutsisuni ilaasortanik oqaloqateqarama, Qeqertani innuttaasut tamanut innaallagiamik imermillu pilersuineramik atuisinnaanissaat Naalackersuisut sulissutigisariaqaraat, qularutigiunnaarpara. Tamanna sullissinertut pissusissamisoortutut aammalu aalisakkanik piniakkanillu tunisassiassanut tunitsiviliiisoqassappat tunisassiorfeqalissappallu tunngavissatut pisariaqartutut isigaara.

Taamaattumik nunaqarfinni allani innuttaasut assigalugit, Qeqertani innuttaasut tamanut innaallagiamik imermillu pilersuineramik atuisinnaalernissaat qilanaarisorujussuara.

2. Tamatuma kingorna ukiumut qanoq akeqassava Qeqertat nunaqarfittut ingerlanneqarnissaa?

Apeqqummut 1-imut akissuteqaat innersuussutissavara.

Qeqertani innaallagiamik imermillu pilersuineramik pilersitsisoqarpat, pisortat sullissineranni ilaatigut ilaatinneqassapput najukkami innuttaasunik sullissivimmik kommunip ingerlatsinera aamma meeqqat atuarfianni atuartitsineq, Nukissiorfiit innaallagiamik imermillu pilersuinerat kiisalu KNI Pilersuisup pisiniarfimmi ingerlataqarneri.

Qeqartanut immikkut tunngatillugu, toqqaannartumik toqqaannangitsumillu pisortat sullissineranni aningaasartuutunik ataatsimoortunik takutitsisunik, naatsorsuinernik soqanngilaq. Naatsorsuinernik illoqarfinnut imaluunniit nunaqarfinnut ataasiakkaanut pisortat toqqaannartumik toqqaannangitsumillu aningaasartuutunik ataatsimoortumik takutitsisunik suliaqartoqartannginnera, nunatsinni sumiiffinnut taamaaqataanik atuuppoq.

3. Qaleralinniarnep saniatigut Qeqertani inuussutissarsiutit allat suut periarfissaappat? Taamaattoqarsimappat suut aamma inuutissarsiutitigut periarfissat qanoq isertitsissutaasinnaanerat naatsorsuutigineqarpa.

Taakkua tamarmik immikkut inuussutissarsiornermik ingerlatsinermut aammalu ingerlatassanik nutaanik pilersitsinermut arlalinnik immikkuullarissunik ilisarnaateqarnerat, nunatsinni maani sumiiffinnut inoqarfiusunut pingaarnertut atuuppoq. Ilisarnaatit taakkua ilaatigut sumiiffiup inissisimaffianut, sumiiffimmi pisuussutinut aammalu attaveqatigiinnikkut tikikkuminassusaannut, atasuusarput.

Naalackersuisut isumaqanngillat, nunatsinni sumiiffinni allani innuttaasunut sanilliullugit, Qeqertani innuttaasunut inuussutissarsiornikkut periarfissat

naliliiffiginissaannut allanik piumasaaqateqartoq. Tassunga atatillugu oqaatigisinnaavara – illoqarfiit nunaqarfiillu allat assigalugit – Qeqertani innuttaasunut immikkut inuussutissarsiornikkut periarfissanik sumiiffimmut tunngasunik soqanngimmat. Tamatuma malitsigisaanik aamma inuussutissarsiornermik ingerlatsinermit isertitassatut malittaasussatut naatsorsuutigineqartut naatsorsorneqarnerannik peqanngitsoq.

Apeqqummut allanik oqaaseqaatissaqanngilanga, kisianni oqaatigisinnaavara Naatsorsueqqissaartarfiup 2016-imut, ukioq naatsorsuiffiusoq kingulliusumut, aningaasarsianut naatsorsueqqissaarnikkut kisitsisaatai naapertorlugit Qeqertani agguaqatigiisillugu inoqutigii isertitaat akileraaruteqaataasussat 251.524 koruuniusut.

4. Qeqertani qalerallit tonsit qassit ukiumut aalisarneqarsinnaappat aamma tassani aalisarnermi sinneqartoortut qanormita amerlatigisut pilersinneqarsinnaasutut naatsorsuutigineqarpat?

Sumiiffimmi qaleralinniarneq pingaarnertigut aalisakkanit pisarineqarsinnaasunit, aalisartut amerlassusaanit taakkualu aalisarnermik aallussinerannit kiisalu tunitsivissanik periarfissaqarnermit, pingaarnertigut Inughuit Seafood A/S-imut tunisisoqartarluni, kiisalu najukkami tuniniaanermik nerisarineqarnerannillu, naleqqussarneqartarpoq.

Qaleraeqassutsimut missingersuinerneq imaluunniit sumiiffimmi qaleralinniarnermut immikkut biologit siunnersuinerneq, soqanngilaq.

Inughuit Seafood A/S, Royal Greenland A/S peqatigalugu najukkami aalisartunit pigineqarpoq. Ingerlatseqatigiiffik Qaanaami tunitsiveqarpoq tunisassiorfeqarlunilu. Qeqertani qaleralinnik tunisinissaq tunisassiornissarlu periarfissaqanngilaq.

Sermitsiaq.ag-imi ilanngutassiami (takuuk <http://sermitsiaq.ag/kl/qaanaami-aalisarneq-siuariartortoq>) paasissutissiissutigineqarpoq Inughuit Seafood A/S-imut 2017-imi qalerallit 170 tonsit tunineqarsimasut aammalu ukiup qanoq ilinera apeqqutaalluni 5 – 10-inik sulisoqarsimasoq. Qaleralinniarnermi tamarmiusumi, taamatullu ingerlatseqa-tigiiffimmi Inughuit Seafood A/S-imi, ukiuni kingullerni malunnaatilimmik siuariartoqartoq misigineqarpoq. Najukkami tuniniaanerup nerisarineqarnerisa-lu annertussusaat Naalakkersuisut ilisimasaqarfiginngilaat.

Paasissutissat pissarsiarineqarsinnaasut aammalu oqaaseqaatit matuma sulianiittut tunngavigalugit, qalerallit tonsit qassit ukiumut Qeqertat eqqaanni aalisarneqarsinnaassanersut oqaatiginissaannut tunngavissaqartoq, Naalakkersuisut isumaqanngillat.

Taamatuttaaq qaleralinniarneq qanoq annertutigisumik sinneqartooruteqarfiusinnaassanersoq oqaatigissallugu tunngavissaqartoq, Naalakkersuisut isumaqanngillat. Tamatumunnga oqaatigineqareersutut, ilaatigut aalisarnerup annertussusaa, tunitsivinni tunisassiornermilu inissaqartitsineq kiisalu tunisinnermut, tunisassiornermut tuniniaanermullu atugassarititaasut akigititallu, kiisalu aalisarnermi suliaqartut arlaat apeqqummi pineqarnersoq, apeqqutaapput. Tassunga atatillugu oqaatigineqarpoq, qaleralinniarneq, tunisarneq akinillu aalajangersaasarneq killilersugaanngitsumik inuussutissarsionertut ingerlanneqartoq.

Taamaattoq sumiiffimmi qaleralinniarneq ukiorpassuit ingerlaneranni annertusiartorsimasoq aammalu aalisarneq taamaalilluni sumiiffimmi innuttaasut amerliartuinnartut, ilanngullugillu Qeqertani innuttaasut, isertitaqarfigilluagaa- sa annertunersaattut annertusiartortoq, naammagisimaarlugu Naalakkersuisut maluginiarpaat.

Taamaaqataanik najukkami aalisartut Royal Greenland A/S peqatigalugu Inughuit Seafood A/S-itut ittumik ingerlatseqatigiiffimmik ingerlalluatumik pilersitsisimmammata Naalakkersuisut nuannaarutigaa.


5. Naalakkersuisut nalilernerlugu Qeqertat nunaqarfittut ammaqpinneqarnera inuiaqatigiit aningaasarsionerat eqqarsaatigalugu pitsaasuussasoq?

Apeqqutinut 1 – 4-imut akissuteqaatika innersuussutigalugit isuma-qanngilanga Qeqertat nunaqarfittut ammaqpinneqarnissaa tunngavissaqartoq. Isuma-qanngilanga apeqqutip akissuteqarfiginissaanut tunngavissaqartoq, tassami apeqqummut tunngaviusut maannakkorpiaq atuutinngitsut tunngavigineqarpassimmata.

6. Suliamut tunngatillugu soqutiginarsinnaasunik allanik Naalakkersuisut nalunaarutissaqarnerlutik?

Apeqqummut saqqummiunneqartumut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen